

ՀԱՇՎԵՏՎՈՒԹՅՈՒՆ

2022 թվականի նոյեմբերի 16-ից 17-ը Բելգիայի Թագավորություն (ք. Բրյուսել)
գործուղման արդյունքների մասին

1. Անունը, ազգանունը՝

Ռուզաննա Կուսիկյան

2. Ձբաղեցրած պաշտոնը՝

ՀՀ ՊԵԿ տեղեկատվական տեխնոլոգիաների վարչության ռիսկերի վերլուծության և կառավարման բաժնի պետ (ժ.թ.պ.)

3. Գործուղման վայրը և ժամկետները՝

Բելգիայի Թագավորություն՝ ք. Բրյուսել, 2022 թվականի նոյեմբերի 16-17

4. Հրավիրող կողմը՝

Համաշխարհային մաքսային կազմակերպություն (ՀՄԿ): Կազմակերպությունը ստեղծվել է 1952 թվականին և հանդիսանում է անկախ միջպետական մարմին, որի նպատակն է մաքսային ծառայությունների արդյունավետության բարձրացումը: Ներկայումս Համաշխարհային մաքսային կազմակերպությունը ներառում է 184 անդամ մաքսային ծառայություն, որոնց ընդհանուր առմամբ բաժին է ընկնում համաշխարհային առևտրի մոտ 98%-ը:

5. Գործուղման նպատակը (աշխատանքային որ խնդրի լուծման համար էր նախատեսված գործուղումը)՝

Գործուղման նպատակն էր մասնակցել Համաշխարհային մաքսային կազմակերպության կեղծարարության և հեղինակային իրավունքի խախտման Հարցերով աշխատանքային խմբի 19-րդ հանդիպմանը և ելույթ ունենալ դրա շրջանակներում անցկացվող՝ «Ինչպես կառուցել տվյալների էկոհամակարգ մտավոր սեփականության իրավունքի պաշտպանության ուժեղացման

նպատակով» թեմայով պանելային քննարկմանը՝ ներկայացնելով ՀՀ պետական եկամուտների կոմիտեի փորձը, ինչպես նաև ծանոթանալ այլ մասնակիցների փորձին և ոլորտի միտումներին:

6. Քննարկված թեմաները

- Մտավոր սեփականության իրավունքը խախտող և առողջության ու անվտանգության համար վտանգ ներկայացնող ապրանքների նույնականացման օրինակներ և դիսկի ցուցիչներ էլեկտրոնային առևտրի շրջանակներում
- Մտավոր սեփականության իրավունքները խախտող ապրանքների՝ շրջակա միջավայրի համար անվտանգ եղանակով պահպանման և ոչնչացման ուղեցույցներ
- Համաշխարհային մաքսային կազմակերպության և դրա անդամների կողմից իրականացվող գործողություններ
- STOP III օպերացիա
- Համաշխարհային մաքսային կազմակերպության կեղծարարության և հեղինակային իրավունքի խախտման հարցերով աշխատանքային խմբի 2023–2024 թվականների աշխատանքային ծրագիրը
- «Ինչպես կառուցել տվյալների էկոհամակարգ մտավոր սեփականության իրավունքի պաշտպանության ուժեղացման նպատակով» թեմայով պանելային քննարկում
- «Աշխարհագրական նշումների պաշտպանության մասով լավագույն փորձի փոխանակում» թեմայով պանելային քննարկում

7. Հանդիպումները, ելույթները, բարձրացված կամ քննարկված հարցերը՝

Մասնակցել են «Ինչպես կառուցել տվյալների էկոհամակարգ մտավոր սեփականության իրավունքի պաշտպանության ուժեղացման նպատակով» թեմայով պանելային քննարկմանը, որի ընթացքում ներկայացրել է ՀՀ մաքսային մարմինների կողմից մտավոր սեփականության իրավունքների

պաշտպանության գործընթացը, այդ թվում՝ «ՀՀ արտաքին առևտրի ազգային մեկ պատուհան» պորտալում գործող ՌԻՍԿԵՐԻ կառավարման համակարգում տեղայնացված ռիսկի ինքնաշխատ պրոֆիլների հիման վրա իրականացվող հսկողությունը, մարտահրավերները և դրանց հաղթահարման ուղիները: Պանելային քննարկման շրջանակներում ՀՀ ՊԵԿ ներկայացուցիչը մասնակցել է նաև տվյալների հավաքագրման, փոխանակման, վերլուծության և ռիսկերի կառավարման թեմաներով քննարկումների, պատասխանել մասնակիցների հարցերին:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Հանդիպման ընթացքում ընդունվել են հետևյալ փաստաթղթերը.

- Համաշխարհային մաքսային կազմակերպության կեղծարարության և հեղինակային իրավունքի խախտման հարցերով աշխատանքային խմբի 19-րդ հանդիպման օրակարգը
- Համաշխարհային մաքսային կազմակերպության կեղծարարության և հեղինակային իրավունքի խախտման հարցերով աշխատանքային խմբի 18-րդ հանդիպման հաշվետվությունը
- «Մտավոր սեփականության իրավունքը խախտող և առողջության ու անվտանգության համար վտանգ ներկայացնող ապրանքների նույնականացման օրինակներ և ռիսկի ցուցիչներ Էլեկտրոնային առևտրի շրջանակներում» փաստաթուղթը
- «Մտավոր սեփականության իրավունքները խախտող ապրանքների՝ շրջակա միջավայրի համար անվտանգ եղանակով պահպանման և ոչնչացման վերաբերյալ ՀՄԿ գործնական ուղեցույցների քննարկում»
- Համաշխարհային մաքսային կազմակերպության կեղծարարության և հեղինակային իրավունքի խախտման հարցերով աշխատանքային խմբի 2023–2024 թվականների աշխատանքային ծրագիրը:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

Միջոցառման մասնակիցները մեծ հետաքրքրություն են ցուցաբերել Հայաստանի Հանրապետության պետական եկամուտների կոմիտեի կողմից մտավոր սեփականության իրավունքի օբյեկտների պաշտպանության նպատակով կիրառվող ռիսկերի կառավարման գործիքակազմի նկատմամբ: Ինչպես Համաշխարհային մաքսային կազմակերպության ներկայացուցիչներից, այնպես էլ այլ միջազգային կազմակերպությունների ներկայացուցիչներից և մաքսային ծառայությունների ներկայացուցիչներից ստացվել են բազմաթիվ դրական արձագանքներ և համագործակցության առաջարկներ՝ ռիսկերի կառավարման ոլորտում ՀՀ պետական եկամուտների կոմիտեի փորձի փոխանակման մասով: Մասնավորապես, Համաշխարհային մաքսային կազմակերպությունից ստացվել է առաջարկություն ՀՄԿ ամսագրում ՀՀ ՊԵԿ ռիսկերի կառավարման փորձի մասին հոդված գրելու վերաբերյալ, ինչի ուղղությամբ արդեն քայլեր են իրականացվում: Հոդվածի նախնական տարբերակը պետք է ներկայացվի ՀՄԿ մինչև ս.թ. դեկտեմբերի 15-ը:

10. Ստորագրությունը, ամսաթիվը



21.11.2022թ.